



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Franciscus Xaverius. 3. Decembr.

[urn:nbn:de:hbz:466:1-62968](#)

S. FRANCISGUS XAVERIVS.

3. Decembr.

Factus sum infirmis infirmus, ut infirmos lucri facerem. Omnibus, omnia factus sum, ut omnes facerem salvos. Paul. I, ad Cor. cap. 9.

Franciscum Xaverium pinximus, virum, cuius animo alter etiam Orbis angustus fuit. Dum vixit, Virgo vixit: Testimonium animo integrissimo corpus dixit, longè post mortem etiam in viva calce integrum. Sui semper egregius victor non semel è morbidi ulcere ipsum pus hausit. Sed tam sitibundum Deus deinde tot delitiis per omnem vitam perfudit, ut ebrius sæpe exclamare, diducto à pectore vestimento, coactus sit: *satis est Domine, satis est.* Apostoli per novum orbem non tam nomen, quam vitam tulit, ad id muneris ab ipso Numine delectus. Siquidem multò ante in somnis tetri coloris hominem, & qualem Indum effingimus, portare humeris sibi per quietem visus est. Et quid aliud vigilans postea egit, cum ejusmodi hominum decies centena

millia ad Ecclesiæ gremium suis humeris tulit,
 & tot non tam vultus, quām animos fuscos
 sacra undā solus lavit, & cæli candidatos esse
 jussit. Vaticinia insuper edidit innumera, pre-
 cibus mare exarmavit, exercitus vicit, idem
 eodem tempore geminis in locis & longissimè
 dissitis, periclitantibus adfuit, demortuos in
 vitam revocavit quinque supra viginti: Om-
 nibus omnia factus, in conviviis etiam atque
 ludis animalium lucrum quæsivit, invenitq;
 Ad extremum dum amplissimum Sinarum
 Regnum laborat ingredi, in ipso ejus portu ad
 cælum animam appulit. *Ex vita.*

MEDITATIO.

In vitam S. Xaverii.

1. **A** More Dei, in Exercitiis spiritualibus S. Ignatii,
 sic inflammatum est ingens Xaverii pectus, ut
 omnes posthac curas, ac cogitationes suas ad majo-
 rem Dei gloriam retulerit. O utinam? quibus Xave-
 riis, iisdem ego flammis arderem? Amor cœlestis
 accende, combure cor meum, patet ardoribus tuis.
 Procul hinc vani honores, procul etenoscæ voluptates,
 nugæ nugarum? diutius me retinuistis. *Ratione plenis-
 sum est. illum, in quo habeas omnia, amare præ omni-
 bus.* Euch.

2. *Amere Proximi* ad extremas mundi oras excurrit,
 Sorbens etiam saniem ægrotorum, forti & indefesso
 labo-